

四庫全書

史部

欽定四庫全書

欽定續文獻通考卷一百九十六

經籍考

集 詩集下

明

御製回文詩一卷

臣等謹案是集載朱當泐國朝典故中惟題曰御製明藝文志亦未著錄不知何帝作也

朱櫛元宮詞一卷

櫛見子類

汪廣洋鳳池吟稿十卷

廣洋字朝宗高郵人元末舉進士太祖渡江召為元帥府令史官至右丞相封忠勤伯

陶宗儀南村詩集四卷 滄浪櫂歌一卷

宗儀見經類

藍仁藍山集六卷

仁字靜之崇安人仕履無考明史文苑傳附見陶宗儀傳中

藍智藍澗集六卷

智字性之仁弟明初以薦授廣西按察使僉事明史文苑傳附見陶宗儀傳中

楊基眉菴集十二卷

基字孟載其先嘉州人祖官吳中因家馬洪武中歷官山西按察使

張羽靜居集四卷

羽字來儀後以字行本潯陽人徙居吳中元末領鄉薦洪武初徵授太常寺丞

徐賁北郭集六卷

賁字幼文其先蜀人徙居平江洪武初以薦授給事中歷官河南左布政使

林鴻鳴盛集四卷

鴻字子羽福清人洪武初以薦授將樂縣訓導歷官

禮部精膳司員外郎

王恭白雲樵唱集二卷 草澤狂歌五卷

恭字安中閩縣人自稱皆山樵者永樂初以薦修永樂大典授翰林院典籍

王珙竹居集一卷

珙字廷珪常熟人

郭奎望雲集五卷

奎字子章巢縣人嘗為朱文正參贊軍事後文正得

罪奎亦坐誅明史文苑傳附見王冕傳中

管時敏蠅竅集十卷

時敏初名訥以字行華亭人洪武初徵為楚王府紀善

董紀西郊笑端集一卷

紀字良史以字行更字述夫上海人洪武中舉賢良方正授江西按察使僉事

李煜草閣集六卷拾遺一卷附筠谷詩一卷

煜字宗表號草閣錢塘人洪武中官國子監助教

臣等謹案煜館於東陽胡氏是集為胡伯宏所輯拾遺一卷其門人唐光祖輯未附筠谷詩一卷不著名氏考宋濂作煜詩序稱其子轅字公載為詩能繼其學黃虞稷千頃堂書目亦載有李轅筠谷集注為李煜之子官宜綸縣丞蓋編錄者以卷帙無多附其父集之後

鄭潛樗菴類稿二卷

欽定四庫全書

欽定四庫全書

卷一百九十六

潛字彥昭歙縣人元末官泉州路總管入明為寶應縣主簿遷潞州同知

袁華耕學齋詩集十一卷 可傳集一卷

華字子英崑山人洪武初官蘇州府訓導

梁蘭畦樂詩集一卷

蘭字廷秀一字不移泰和人贊善梁潛之父田居不

仕以畦樂自號

史謹獨醉亭集三卷

謹字公謹崑山人洪武初以事謫居雲南後以薦為
應天府推官降補湘陰縣丞

袁凱海叟集四卷集外詩一卷

凱字景文華亭人洪武中由舉人薦授監察御史以
病免歸

王翰梁園寓稿九卷

翰字時舉禹州人元季隱居中條山明初出為周王
櫛長史後官翰林院編修謫連州教授夷獠亂城陷

抗節死

鄧林退菴遺稿七卷

林初名彛又名觀喜字士齊成祖改今名新會人洪武時舉人官吏部主事

劉璉自怡集一卷

璉字孟藻青田人誠意伯基長子官至江西布政司參政為胡維庸所脅墮井死

胡奎斗南老人集六卷

奎字虛白海寧人明初以儒學徵官寧王府教授

虞堪希澹園詩三卷

堪字克用一字勝伯長洲人元末隱居不仕洪武中為雲南府學教授

尹昌隆訥菴遺稿八卷附錄二卷

昌隆字彥謙泰和人洪武進士官左春坊左中允改禮部主事

唐之淳愚士詩二卷附會稽懷古詩一卷

之淳字愚士以字行山陰人肅之子建文初以薦授翰林院侍讀

王偁虛舟集五卷

偁字孟揚永福人元潮州總管翰子洪武中領鄉薦成祖徵至京授國史院檢討充永樂大典副總裁

王紱舍人詩集五卷

紱字孟端無錫人別號友石生又號九龍山人洪武中徵至京師尋坐累戍朔州永樂初以薦除中書舍

人

王燧青城山人集八卷

燧字汝玉長洲人洪武時舉人官左春坊左贊善

周述東墅詩集六卷

述字崇述號東墅吉水人永樂進士官左春坊左庶子

李昌祺運甓漫稿六卷

昌祺名禎以字行廬陵人永樂進士歷官廣西河南

左布政使

高棟嘯臺集二十卷 木天清氣集十四卷

棟一名廷禮字彥恢號漫士長樂人永樂間以布衣徵為翰林待詔陞典籍明史文苑傳附見林鴻傳中

謝晉蘭庭集

無卷數

晉字孔昭吳縣人嘗以布衣被徵

韓經恒軒集六卷

經字本嘗山陰人以行誼稱于鄉里屢薦不出家居

教授以終

沈行貫珠編貝集五卷

行字履德錢塘人

劉溥草牕集一卷

溥字原博號草牕長洲人宣德間官太醫院吏目事

蹟具明史文苑傳

王偉桐山詩集十卷

偉字士英攸縣人正統進士官至兵部侍郎

欽定四庫全書

欽定詩文獻通考
一百九十六

劉珏完菴詩集一卷

珏字連美長洲人正統間舉人官至山西按察使僉事

卞榮郎中詩集八卷

榮字華伯江陰人正統進士官戶部郎中

趙迪鳴秋集二卷

迪字景哲懷安人自號白湖小隱

孔承慶禮庭吟二卷

承慶字永祚曲阜人至聖六十代孫未襲封而卒

童軒清風亭稿七卷

軒見子類

閔珪莊懿集八卷

珪字朝瑛烏程人天順進士官至南京刑部尚書左

都御史

沈周石田詩選十卷

周見子類

欽定四庫全書

董越使東日錄一卷

越見史類

臣等謹案是集乃弘治元年越為朝鮮頒詔使途

中紀行之詩

楊一清石淙稿十九卷

一清見史類

鄧庠東溪稿十卷

庠字宗周宜章人成化進士官至南京戶部尚書

楊循吉都下贈僧詩一卷

菊花百詠一卷

齋中拙

咏一卷

循吉見史類

張詡南海雜詠十卷

詡見子類

杭淮雙溪集八卷

淮字東鄉宜興人弘治進士官至南京總督糧儲右

副都御史

童琥集古梅花詩四卷

琥字連瑞蘭谿人弘治進士官工部郎中

何孟春燕泉詩四卷

孟春見史類

陳洪謨靜芳亭摘稿八卷

洪謨見子類

黃衷矩洲集十卷附樗亭集一卷

衷見史類

周倫貞翁淨藁十二卷

倫字伯明號貞翁崑山人弘治進士官至南京刑部

尚書謚康僖

湛若水白沙詩教解十卷詩教外傳五卷

若水見經類

臣等謹案若水師陳獻章號白沙著詩教一百六

十六篇皆闡發性理之作詩教外傳則皆語錄之類足與詩相發明者獻章于詩為別調若水務遵

師說以為風雅正宗分類注釋以行於世

孫一元太白山人漫稿八卷

一元字太初自稱秦人或傳為安化王孫嘗棲太白之巔故稱太白山人

吳爰雪牕詩六卷

爰字翼夫上海人本姓陸以父贅于吳遂冒其姓

程誥霞城集二十四卷

誥字自邑歙縣人

朱凱句曲紀遊詩一卷

凱字堯民長洲人

朱彌鉗謙光堂詩集八卷

彌鉗號秋江翁唐莊王芝趾次子初封文城王後以

子字溫嗣祖爵彌鉗亦追封唐王謚曰恭

劉魁省愆稿五卷

魁字煥吾泰和人正德間舉人官工部員外郎

韓邦靖五泉詩集四卷附錄二卷

欽定四庫全書

欽定詩文獻通考

卷一百九十六

十二

邦靖見史類

胡纘宗擬屋翁擬古樂府二卷擬漢樂府八卷

纘宗見史類

曾璵少岷拾存稿四卷附司徒大事記一卷

璵字東玉瀘州人正德進士官建昌府知府

管楫平田詩集二卷

楫字汝濟號平田又號竹木山人咸寧人正德進士

官至右副都御史巡撫山東

汪文盛節愛府君詩集二卷

文盛字希周崇陽人正德進士官至僉都御史巡撫雲南進大理寺卿

陳憲後齋遺稿二卷

憲字伯度號後齋餘干人正德進士官至貴州布政司參議

陸倖桃谷遺稿一卷

倖字天爵吳縣人正德進士官至寶慶府知府

趙漢漸齋詩草二卷

漢字鴻遠平湖人正德進士官至山西布政司參政
頓銳鷗汀長古集二卷前集二卷別集二卷續集一卷

漁嘯集二卷 頓詩一卷

銳字叔養涿州人正德進士官代府右長史

張縱南湖詩集四卷

縱字世文高郵人正德間舉人官光州知州

蔣山鄉南冷集十一卷

山卿字子雲儀真人正德進士官至廣西布政司參政

劉天民函山集十卷

天民字希尹號函山歷城人正德進士官至按察使副使

顧可久洞陽詩集二十卷

可久字與新無錫人正德進士官至廣東按察司副使

林春澤人瑞翁集一卷

春澤字德敷侯官人正德進士官至平番府知府年百有四歲有司為建人瑞坊故以人瑞翁名

陳器石居漫興稿二卷

器字德器臨海人正德進士官刑部郎中

馬汝驥西元集八卷

汝驥字仲房綏德人正德進士官至禮部右侍郎謚

文簡

張經半洲稿四卷

經字廷彛侯官人正德進士累官南京兵部尚書總督軍務改都察院左都御史為嚴嵩構陷棄市後追諡襄愍

臣等謹案是集卷首題曰蔡經蓋其未復姓時已板行於世

朱朴西村詩集二卷補遺一卷

朴字元素海鹽人

李璋嗜泉詩存二卷附錄一卷

璋字政虹海鹽人

譚寶煥性理吟二卷

寶煥見別集類

臣等謹案是編以四書及性理中字句為題前列

朱子之說而以一詩括其意

杜瓊東原集七卷

瓊見子類

余世亨山人詩集四卷

世亨廣州人卜居粵秀山下嘉靖進士嘉詔之父也
朱顯槐少鶴詩集八卷

顯槐楚端王榮滅第三子愍王顯格之弟嘉靖十七
年封武岡王榮滅嘗自稱黃鶴道人故顯槐自號少
鶴

王周雁湖釣叟自在吟九卷附錄一卷

周字質齋嘉興人自號雁湖釣叟

王寅十岳山人詩集四卷

寅字仲房一字亮卿歙縣人

邊習仲子詩一卷

習字仲學濟南人戶部尚書貢之次子

狄沖春谿詩集四卷

沖字仲虛溧陽人嘉靖進士官南京工部郎中

黃金東遊集一卷

金號莘溪莆田人嘉靖進士官山東新城縣知縣

呂希周東匯詩集十卷

希周字師旦崇德人嘉靖進士官至通政使

章恩金陵覽勝詩一卷

恩字元之山陰人

趙伊序芳園稿二卷

伊字子衡平湖人嘉靖進士官至廣西按察使副使

閔如霖午塘詩集七卷

如霖字師望號午塘烏程人嘉靖進士官至南京禮

部尚書

王琰侍御集七卷

琰字汝玉無錫人嘉靖進士官監察御史

林應亮少峯草堂詩集一卷

應亮字熙載侯官人嘉靖進士官至戶部右侍郎總

督倉場

顧存仁東白草堂集四卷

存仁見史類

李徵元光漫稿五卷

徵字誠之湖廣桃源人嘉靖進士官至布政司參議
黎民表瑤石山人稿十六卷

民表字維敬從化人嘉靖時舉人授翰林院孔目後
官至參議明史文苑傳附見黃佐傳中

施峻璉川詩集八卷

峻字平叔歸安人嘉靖進士官青州府知府

沈良才鳳岡集四卷

良才字鳳岡泰州人嘉靖士官至兵部右侍郎

袁煒文榮詩略二卷

煒字懋中慈谿人嘉靖進士官至大學士謚文榮

陳塗已寬堂集四卷

塗字子兼號雨泉吳縣人嘉靖進士官四川提學副使

吳維嶽天目山齋歲編二十四卷

維嶽字峻伯孝豐人嘉靖進士官至右都御史巡撫

貴州明史文苑傳附見王世貞傳中

徐學詩石龍菴詩草四卷附刻二卷

學詩字以言號龍川上虞人嘉靖進士官刑部郎中
以劾嚴嵩罷職隆慶初起南京通政司叅議未赴卒
贈大理寺少卿

沈淮三洲詩贈八卷

淮字激伯仁和人嘉靖進士

彭輅比部集八卷

輅字子殷海鹽人嘉靖進士官南京刑部主事

楊巍存家詩稿八卷

魏字伯謙號夢山海豐人嘉靖進士累官吏部尚書

贈少保

祝世祿環碧齋詩集三卷

世祿見子類

張元凱伐檀集十二卷

元凱字左虞吳縣人以世職為蘇州衛指揮

李先芳江右詩稿二卷 李氏山房詩選六卷

先芳見經類

臣等謹案邢侗作先芳行狀稱所著東岱山房稿三十卷此集總題為東岱山房詩錄而子目則作江右詩稿蓋其集中之一種其山房詩選乃皇甫汈所定間有評語亦非全集

郭諫臣鯤溟集四卷

諫臣字子忠長洲人嘉靖進士官至江西布政司叅

政罷歸後起鄖陽巡撫未上而卒

謝榛四溟集十卷

榛字茂秦臨清人以詩名終於布衣事蹟具明史文

苑傳

王叔承壯遊編三卷

叔承見別集類

況叔祺大雅堂摘藁

無卷數

叔祺見子類

余曰德德甫集十四卷

曰德初名應舉字德甫南昌人嘉靖進士官至福建

按察副使

董傳策米薇集四卷 幽貞集二卷 邕歆集六卷

傳策見史類

王好問春煦軒集十二卷

好問字裕卿號西塘樂亭人嘉靖進士官至南京戶

部尚書

何東序九愚山房詩集十三卷

東序字崇教號肖山猗氏人嘉靖進士官至右僉都御史巡撫延綏

張九一綠波樓詩集十四卷

九一字助甫號周田新蔡人嘉靖進士官至右僉都御史巡撫寧夏明史文苑傳附見王世貞傳中

張鍊太乙詩集五卷

鍊見子類

朱慎鍾寶善堂稿一卷

慎鍾號宗川晉王桐第四子慶成王濟炫之後襲封
榮懿王

王養端震堂集六卷

養端字茂成遂昌人嘉靖時舉人

袁尊尼魯望集十二卷

尊尼字魯望吳縣人嘉靖進士官至山東提學副使

栗應宏山居集八卷

應宏字道甫長子人嘉靖時舉人屢試不第耕讀太行山中

臣等謹案應宏是集黃虞稷千頃堂書目作六卷又載有太行集十六卷今未之見

俞允文仲蔚集二十四卷

允文初名允執字仲蔚崑山人嘉靖間諸生

曹乾學兔園草六卷

乾學字叔驥太倉人

黃惟楫說仲詩草十八卷

惟楫字說仲天台人

童佩子鳴集六卷

佩字子鳴龍游人

王伯稠世周集二十卷

伯稠字世周崑山人

孫七政松韻堂集十二卷

七政字齊之常熟人

潘之恒涉江詩選七卷

之恒見史類

臣等謹案之恒集本二十卷袁宏道刪定為此本
故名詩選

姚究尚元草八卷 咏物詩二卷

究字叔信號元岳秀水人

項元淇少嶽集四卷

元淇字子瞻秀水人官光祿寺署正

沈明臣豐對樓詩選四十三卷 越草一卷

明臣見史類

陳淳白陽集

無卷數

淳字道復以字行號復甫別號白陽山人長洲人以

諸生援例入監

彭年隆池山樵集二卷

年字孔嘉長洲人號隆池山樵明史文苑傳附見文

徵明傳中

欽定四庫全書

顧起綸句漏集四卷 赤城集三卷

起綸字更生號元名無錫人官鬱林州判

傅汝舟山人集三卷

汝舟本名舟字虛木號丁戊山人侯官人

包大中叅軍集六卷

大中字庸之號三川寧波人官建陽縣丞以嘗預征

倭之後故稱曰叅軍

陳汝瑒湛然堂詩稿

無卷
數

汝瑒字席珍南安人官廣昌縣知縣

董緒龜川詩集四卷

緒字禹方樂安人刑部尚書裕之父

臣等謹案緒集乃其裔孫以初刻板漶為之重刊然字多殘缺據其目錄尚附有誌狀亦佚之矣

方于魯建元詩集十二卷續集一卷

于魯見子類

高澂石門詩集一卷

澱字宗呂號石門又號髯仙侯官人

趙志皋四遊稿六卷

志皋見史類

方盱研山山人漫集一卷

盱字文明改名大年蘇州人

方問孝蒼耳齋詩集十七卷

問孝字胥成歙縣人

汪淮禹乂詩集八卷

淮字禹乂休寧人

吳宗儒巢雲軒詩集六卷續集五卷詩餘一卷

宗儒字次魯號黃麓晚號止耕休寧人

朱翊鉞廣讌堂集二十四卷

翊鉞字匡鼎自號隱真子荆王瞻堦六世孫襲封樊

山王

朱敬鑑梅雪軒詩稿四卷

敬鑑字進父秦愍王棧八世孫萬厯中為奉國中尉

姚舜牧樂陶咏草三卷

舜牧見經類

林章初文詩選一卷

章字初文福清人萬厯時舉人

王邦俊征南草一卷

邦俊字虞卿鄜州人萬厯進士官至貴州兵備叅政

林兆珂伯子詩草一卷

兆珂見經類

李化龍場居集二卷田居稿一卷河上稿一卷

化龍見史類

顧紹芳寶菴集八卷

紹芳字實甫太倉人萬厯進士官至左春坊左贊善

龍膺九芝集選十二卷

膺字君御武陵人萬厯進士官至南京太常寺卿

楊于庭道行集十七卷

于庭見經類

董嗣成青棠詩集八卷

嗣成字伯念烏程人萬歷進士官禮部郎中

李沂中祕草三卷

沂字景魯嘉魚人萬歷進士官吏科給事中贈光祿

寺少卿

石九奏伯成詩稿四卷

九奏字伯成冀州人萬歷進士官至兵備副使進右

叅政

華善繼折腰漫草八卷

善繼字孟達無錫人官永昌府通判

朱之蕃奉使稿

無卷數

之蕃字元介荏平人萬曆乙未進士第一官至吏部

右侍郎

鄧雲霄百花洲集二卷 解嚴集一卷

雲霄字元度東莞人萬曆進士官至廣西布政使參

政

全宋文卷一百九十六
葉秉敬葉子詩言志十二卷

秉敬見經類

臣等謹案秉敬自序稱虞書詩言志論語志於學
二語為作詩要領故以此名其集

吳大經叢桂軒集二卷

大經字元常常熟人萬厯間布衣

樊良樞致虛詩集四卷

良樞字尚植號致虛進賢人萬厯進士官至浙江提

學副使

臣等謹案良樞集中并其叔僊弟尚燦良樞子重鵬等次和之作皆附存焉

魏濬峽雲閣存草七卷後存草七卷

濬見經類

陳完皆春園集四卷

完字名甫號海沙南通州人萬歷時舉人

陳翼飛慧閣詩八卷

翼飛字元明平和人萬厯進士官宜興縣知縣

臣等謹案翼飛所著有慧閣長梧二集已未庚申

辛酉壬戌行卷此特其中一種餘並佚不傳

許光祚靈長集

無卷數

光祚字靈長陝西人

鹿善繼無欲齋詩鈔一卷

善繼見經類

耿志煒逸園新詩一卷 詠懷詩一卷

志煒字明夫號逸園武功人萬厯進士官至提督四
譯館少卿

吳稼登元蓋副草二十卷

稼登字翁晉孝豐人官南京光祿寺典簿遷雲南通
判

臣等謹案集名元蓋副草者自序謂元蓋天目山
別名其藏書有在姑謂之副蓋夸大之詞非實另
有正本流傳也

徐燠幔亭詩集十五卷

燠字惟和閩縣人萬歷時舉人

萬達甫皆非集二卷附一枝軒吟草一卷

達甫字仲章號純初鄞縣人都督僉事表之子少襲世職官至廣東參將

臣等謹案達甫集後一枝軒吟草乃其子邦孚所作邦孚亦以世蔭累官福建總兵官左軍都督府僉事

周履靖梅顛稿選二十卷

履靖見子類

高濂雅尚齋詩草二集二卷

濂字深甫號瑞南仁和人

臣等謹案是編題曰二集當有初集今未之見

呂時甬東山人稿七卷

時一名時臣字仲父鄞縣人

謝肇淛游燕集二卷 小草齋稿二卷

肇淞見史類

李生寅山人詩二卷

生寅字賓父鄞縣人

朱師孔性靈稿二卷

師孔字時行徽州人家于武昌萬厯間歲貢生

莫是龍石秀齋集十卷

是龍見子類

段黼黃甫詩稿

無卷數

黼字黃甫號景山樵客曹州人萬厯間諸生

汪逸遺民詩一卷

逸字遺民歙縣人

金建中笑拙墅稿一卷

建中字仲立海陽人萬厯間監生

臣等謹案笑拙墅乃建中別業其詩多詠園中景物後附其子麟祥跋並志感詩

朱多頰古雪齋近稿一卷

多頰字以昭號斗齋南昌人寧藩之裔

劉師朱江臯吟一卷

師朱字仲文號嵩潭大名人萬厯間由貢生官至廬
州府同知

潘緯象安詩集四卷

緯字仲文號象安歙縣人萬厯間官武英殿中書舍
人

陳昂白雲集七卷

昂字爾瞻號雲仲甫田人別號白雲先生

張汝元太初集八卷

汝元字太初江寧人萬厯間諸生

黃克晦吾野詩集五卷

克晦字孔昭號吾野惠安人

臣等謹案克晦是集乃其裔孫象潛掇拾家藏遺

帙成編其全稿已佚不傳

胡鎮夢草堂稿十一卷

鎮字子重歙縣人萬厯間賈人

豐越人正元集四卷

越人字正元鄞縣人坊之孫自號天放野人

梅鼎祚禹金集二十卷

鼎祚見子類

翁任春益齋存稿一卷

任春初名允璿字克生金華人

李嵩白雪堂詩一卷

嵩見史類

汪膺寸碧堂稿二卷

膺字元御號玉淙長洲人天啟間舉人

項穆貞元子詩草

無卷數

穆見子類

汪汝謙綺咏一卷綺咏續集一卷

汝謙字然明歙縣人

黃應徵自娛齋詩集二卷

應徵字君求江都人天啓間諸生

陳惇天啟宮中詞一卷

惇字次杜常熟人

臣等謹案朱彛尊詩話述徐昂發之言以為本秦

徵蘭撰惇攘而有之徵蘭字楚芳亦常熟人

柴惟道玩梅亭集詩二卷

惟道字允中號白巖山人嚴州人

吳兆非熊集八卷

兆字非熊休寧人

臣等謹案王士禎刻新安二布衣詩兆居其一僅存其詩四卷此則其原集也

高名衡更生吟

無卷數

名衡字平仲號鷺磯沂州人崇禎進士官監察御史以守城功晉兵部左侍郎壬午靖節死

臣等謹案名衡於乾隆四十一年

賜謚忠節是編乃其巡按河南時李自成攻開封在圍

城中作

紀坤花王閣賸稿一卷

坤字厚齋獻縣人崇禎間諸生

姜埰敬亭集十卷補遺一卷附錄一卷

埰字如農萊陽人崇禎進士官禮科給事中以建言
謫宣州衛國亡流寓蘇州以歿

申佳允忠愍詩集六卷

佳允字孔嘉永年人崇禎進士官至太僕寺丞

臣
等謹案佳允於明亡殉難

世祖章皇帝賜諡忠愍

朱芾煌文嘻堂詩集三卷

芾煌字子衷號玉瑠別號濡須江漁無為州人崇禎
進士官兵部武選司郎中

歐陽鉉野獲園集二卷

鉉字子玉江西龍泉人崇禎進士官休寧縣知縣

董養河羅溪閣韻語

無卷數

養河字叔會閩縣人

李永昌畫響

無卷
數

永昌字周生徽州人

馬宏道采菊雜咏一卷

宏道字人伯號退山蘇州人

吳夢暘射堂詩鈔十四卷

夢暘字允兆歸安人

陳邦儀彈劍草

無卷
數

邦儀字開甫高安人崇禎間諸生

周道仁樂府一卷

道仁字以修烏程人

臣等謹案是編擬漢魏樂府凡一百三章原附於

所刊孫一元太白山人藁後者

董應揚鬻中草一卷 蜀中草一卷

應揚字于廷武進人官翰林待詔

顧德基七十二候詩一卷

德基字用晦常熟人

釋克新元釋集一卷

克新姓余氏字仲銘自號江左外史又稱爲雪廬和尚鄱陽人元末住嘉興水西寺

釋德祥桐嶼集四卷

德祥字麟洲號止庵錢塘人洪武中住持徑山

釋睿畧松月集一卷

睿畧字道權號簡菴蘇州人洪武時人

釋宗賢猷寮集一卷

宗賢字月堂杭州人

釋斯學幻華集二卷


斯學字悅支號庾山萬厯間海鹽慈會寺僧

陳氏繡佛齋草一卷

陳氏天台人崇禎間布衣馮元鼎妻年二十餘夫死
守節

臣等謹案馬端臨通考詩集之後有歌詞一門今

從四庫全書之例改為詞曲列於集類之末又章奏
一門已於史類著錄故不復載



欽定續文獻通考卷一百九十六

欽定四庫全書

史部

欽定續文獻通考卷一百九十七

給事中_臣劉芬覆勘

總校官內閣中書_臣孫溶

欽定四庫全書

欽定續文獻通考卷一百九十七

經籍考

集

總集上

宋史藝文志總集類四百三十五部一萬六百五十七卷

遼金元三史不立藝文志散見各紀傳中

明史藝文志總集類一百六十二部九千八百一十卷

宋

常挺諸儒性理文錦八卷

挺字方叔連江人嘉祐進士累官吏部尚書叅知政事

鄧忠臣同文館唱和詩十卷

忠臣字慎思湘陰人熙寧進士官考功郎

臣等謹案同文館本以待高麗使人元祐間忠臣等同考校即其地為試院因錄同舍唱和之作彙

為一編其相為酬答者忠臣而外為張耒晁補之
蔡肇余幹耿南仲商倚曹輔柳子文李公麟孔武
仲等十一人又有曰益曰向不著姓者二人已不
可考

二程文集十三卷附錄二卷

不著編輯者名氏

臣等謹案此明道程子伊川程子合集也出自胡
安國家劉珙張栻嘗刻之長沙于原文頗有改削

朱子深以為不可元至治間譚善心重刊悉從朱子更正並以朱子論胡本錯誤諸書別為二卷附之於後

宋文選三十二卷

不著編輯者名氏

臣等謹案張邦基墨莊漫錄稱崔伯易金華神記編入聖宋文選後集中則是書乃其前集在南渡以前矣所選皆北宋文自歐陽修以下十四人

邵浩坡門酬唱集二十三卷

浩字叔義金華人

臣等謹案是集錄蘇軾與弟轍及門下諸人屬和之詩始名曰蘓門酬唱後更名坡門酬唱

蒲積中古今歲時雜詠四十六卷

積中里貫無考

臣等謹案宋綬有歲時雜詠二十卷積中因其原本續為此書所增惟宋人之詩而目類一仍其舊

自一卷至四十二卷為元日至除夕二十八日後
四卷則凡祇題月令而無節序之詩皆附焉

董蔡嚴陵集九卷

蔡東平人適之子紹興間知嚴州

朱子南嶽唱酬集一卷附錄一卷

朱子見史類

臣等謹案朱子與張栻林用中同遊南嶽倡和成
編用中字擇之號東屏古田人嘗從朱子遊是集

作於乾道二年

孫紹遠聲畫集八卷

紹遠字稽仲自署曰谷橋爵里無考

臣等謹案錢曾讀書敏求記謂其書不著編者名氏今本卷首有淳熙丁未十月紹遠自序謂擇前賢之為畫而作者編為一集名之曰聲畫則為紹遠編集確有明證

桑世昌回文類聚四卷補遺一卷

世昌淮海人世居天台

魏齊賢葉芬五百家播芳大全文粹一百十卷

齊賢字仲賢自署鉅鹿人蔡字子實自署南陽人

臣等謹案是編皆錄宋代之文題曰五百家而卷首所列姓氏實五百二十家朱彞尊常跋此書惜無人為之刪繁舉要蓋病其冗雜也

表說友成都文類五十卷

說友字起巖建安人隆興進士官至同知樞密院叅

知政事

彭叔夏文苑英華辨證十卷

叔夏廬陵人紹興中鄉貢進士

臣等謹案叔夏是編因周必大所校文苑英華而作自序稱必大命以校讐用功甚多散在本文覽者難徧因薈萃其說大旨分承訛當改別有依據不可妄改義可兩全不必遽改三例用意謹嚴考核精密其不輕易點竄古書亦于此可見

林表民天台續集別編六卷 赤城集十八卷

表民字逢吉臨海人仕履無考

臣等謹案表民父師歲增修李庚原本為天台前
集表民則輯補前集為別編師歲又增補李庚原
本為續集馬考並已著錄此續集別編又表民所
輯以補其闕赤城集亦表民所編據吳子良序稱
分門會粹並詩為一今本有文無詩

湯漢妙絕古今四卷

漢見別集類

臣等謹案是編甄輯古文起春秋左氏傳訖眉山蘇氏凡二十一家

李龔唐僧宏秀集十卷

龔見詩集類

臣等謹案是編乃選唐代釋子之詩凡五百首前有寶祐六年龔自序自皎然以下凡五十二人

趙師秀衆妙集一卷

師秀見別集類

臣等謹案是集錄唐代五七言律自沈佺期訖王
貞白凡七十六人

陳起江湖小集九十五卷江湖後集二十四卷

起字宗之錢塘人開書肆於睦親坊亦號陳道人

臣等謹案江湖小集所錄自洪邁迄林同凡六十
二家內惟姚鑄周文璞吳淵許棐四家有賦及雜
文餘皆詩也起以刻江湖集得名永樂大典所載

有江湖集江湖前集江湖後集江湖續集中興江湖集諸名大抵皆同時之人隨得隨刻往往一人之詩散見數集之內今從永樂大典裒輯合為一編統名之曰江湖後集二十四卷以補世傳江湖集本之缺云

章樵註古文苑二十二卷

樵字升道臨安人嘉定進士歷官知漣海軍授朝散郎知處州

劉元高三劉家集一卷

元高咸淳中官御史里貫未詳

臣等謹案元高是編乃輯其先世劉渙劉恕劉義仲詩文渙字凝之天聖進士以太子中允致仕恕字道元渙之子舉進士官和川翁源二縣義仲恕之子三世並剛直有史才而恕最優司馬光嘗稱其博聞強記細大之事皆有稽考云

周弼三體唐詩六卷

弼見別集類

柴氏四隱集三卷

柴望及其從弟隨亨元亨元彪詩文合集望見子類
隨亨字瞻岷登文天祥榜進士歷知建昌軍事元亨
字吉甫與隨亨同舉進士官朝散大夫荆湖參制元
彪字炳中號澤臞居士嘗官察推宋亡俱遁迹不仕
時稱柴氏四隱

論學繩尺十卷

魏天應編林子長註天應號梅墅自稱鄉貢進士子
長號華峰官京學諭皆閩人

鄭虎臣吳都文粹九卷

虎臣字景兆吳縣人官會稽尉

古文集成前集七十八卷

舊本題廬陵王霆震亨福編

臣等謹案是編蓋南宋書肆本也所錄自春秋以
逮南宋計文五百餘首而宋文居十之八

羅黃裳發蒙宏綱三卷

黃裳池州人咸淳中官番禺守

謝枋得文章軌範七卷

枋得見別集類

吳渭月泉吟社詩一卷

渭字清翁號潛齋浦江人官義烏令入元退居吳溪

陳仁子文選補遺四十卷

仁子見別集類

蘇門六君子文粹七十卷

不著編輯者名氏

臣等謹案舊本傳為陳亮所輯今無可考史稱黃庭堅張耒晁補之秦觀為蘇門四學士此稱六君子者益以陳師道李廌二人也

三國志文類六十卷

不著編輯者名氏

臣等謹案是編今流傳有宋刊本考宋藝文志載

此書註云集者不知名則當時已無可考矣

詩家鼎鑪二卷

不著編輯者名氏

臣等謹案是集卷首題詞署曰倦叟無可考

十先生興論十卷

不著編輯者名氏

臣等謹案是書集程子張耒楊時朱子張栻呂祖謙楊萬里胡寅方恬陳傅良葉適穆元戴溪張震

陳武鄭湜凡十六人之論分類編之題曰十先生所未詳也且據其原目凡前後續集各十五卷此本止四十卷佚去尚多其作者不知凡幾謹識俟考

兩宋名賢小集一百五十七卷

舊本題宋陳思編元陳世隆補思世隆俱見子類

臣等謹案是編所錄宋人詩集始于楊億終于潘音共一百五十七家有紹定三年魏了翁序即寶

刻叢編序更易書名其為偽托無疑

何無適倪希程詩準三卷附錄一卷 詩翼四卷

無適希程爵里俱未詳

羣公四六續集十卷

不著編輯者名氏

大全賦會五十卷

不著編輯者名氏

啟劄錦繡一卷

不著編輯者名氏

宋遺民錄一卷

不著編輯者名氏

金

元好問中州集十卷附中州樂府一卷 唐詩鼓吹十

卷

好問見子類

臣等謹案好問中州集錄金一代之詩在宋末江

湖諸派之上考集中小傳皆兼評其樂府是二編
本合而為一今仍之不別入詞曲類焉唐詩鼓吹
皆唐人七言律詩凡九十六家其門人中書左丞
郝天挺註

段克己成己二妙集八卷

克己字復之號遜庵稷山人嘗舉進士成己字誠之
號菊軒至大進士授宜陽主簿並入元不仕

元

方回瀛奎律髓四十九卷

回見子類

杜本谷音二卷

本見別集類

馮子振釋明本梅花百詠一卷

子振字海粟攸州人官承事郎集賢待制明本姓孫氏號中峯錢塘人居吳山聖水寺

臣等謹案是編乃子振與明本倡和之作有七言

絕句一百首後附春字韻七律一百首僅有明本
和章而子振原唱已佚

房祺河汾諸老詩集八卷

祺平陽人官大同路儒學教授自稱橫汾隱者

金履祥濂洛風雅六卷

履祥見經類

周南瑞天下同文集五十卷

南瑞里貫無考

祝堯古賦辨體八卷外集二卷

堯上饒人延祐進士官無錫州同知

元朝野詩集

無卷數

不著編輯者名氏

臣等謹案是集所錄大抵仁宗以後順帝以前之詩一名元風雅考當時別有元風雅二十四卷乃傳習孫存吾所輯視此較為完備顧嗣立元詩選序載有蔣易元風雅一書或即其殘本歟

吳宏道中州啟劄二卷

宏道字仁卿金臺人江西省檢校掾史

圭唐欵乃集二卷

許有壬及其弟有孚子楨倡和之詩有壬見別集類
有孚楨始末俱未詳

陳桎尺牘筌蹄三卷

桎見史類

趙景良忠義集七卷

景良字秉善南豐人

臣等謹案南豐劉壎作補史十忠詩一卷其子麟瑞撰昭忠逸詠凡四卷景良合二集為一編又采宋末遺老諸作續為二卷總名之曰忠義集

汪澤民張師愚宛陵羣英集十二卷

澤民字叔志婺源人延祐進士累官禮部尚書至正中賊陷寧國被執不屈死贈江浙行中書省左丞追封譙國郡公謚文節師愚字仲愚寧國人兩領鄉薦

蘇天爵元文類七十卷目錄三卷

天爵見史類

傅習孫存吾元風雅二十四卷

習字說卿清江人仕履無考存吾字如山廬陵人嘗
為儒學正

臣等謹案是編前集十二卷習所採輯後集十二
卷存吾所採輯

楊士宏唐音十四卷

士宏字伯謙襄城人

左克明古樂府十卷

克明豫章人自序題至正丙戌則順帝時人也

武夷山詩集一卷

不著編輯者名氏

繆思恭等庚辛唱和詩一卷

思恭里貫未詳

臣等謹案至正庚子辛丑間思恭等游嘉興景德

寺分韻唱和之作共二十六人

顧瑛玉山名勝集

無卷數

草堂雅集十三卷 玉山紀

遊一卷

瑛見詩集類

賴良大雅集八卷

良字善卿天台人

臣等謹案是編良所裒輯楊維禎刪定去取頗稱精密蓋維禎工于詩故鑒別終不苟焉又每人之

下略註字號里貫元末詩人無集行世者亦頗賴
以考見

元音遺響十卷

不著編輯者名氏

臣等謹案是集前八卷為胡布詩又名崆峒樵音
後二卷則張達劉紹詩也三人皆元遺民而他書
罕見故其出處莫詳布字子申達字季充皆盱江
人紹字子憲黎川人

劉履風雅翼十四卷

履字坦之上虞人入明不仕號草澤間民

臣等謹案是編首為選詩補注八卷取文選各詩
刪補訓釋而各斷以已意次為選詩補遺二卷取
古歌謠詞以補文選之缺次為選詩續編四卷取
唐宋諸家詩詞之近古者以為文選嗣音其去取
大旨本于真德秀文章正宗其訓釋體例則悉以
朱子詩集傳為準

譚金孫殘本諸儒輿論策學統宗二十三卷

金孫字叔金號存理里貫未詳

周砥馬治荆南倡和集一卷

砥字履道無錫人從張士誠死于兵治字孝常宜興人入明官建昌知府

臣等謹案周砥馬治詩同一集人隔兩朝遂無時代可歸今以治雖入明而詩作於元砥死于兵未嘗入明故以砥為主而附于元人之末

贈言小集一卷

不著編輯者名氏

釋圓至唐詩說二十一卷

圓至見別集類

釋壽寧靜安八咏詩集一卷

壽寧字無為號一菴上海人居于邑西之靜安寺

明

世宗宸章集錄一卷 輔臣贊和詩集一卷 翊學詩

一卷

臣等謹案以上三編係嘉靖五年六年七年賜大學士費宏楊一清等御製詩諸臣依韻和進隨時

編錄者

偶桓乾坤清氣集十四卷

桓字武孟號清翁因眇一目又自號瞎牛太倉人洪武中官荊門州吏目

孫原理元音十二卷

原理寧波人仕履無考

鄭太和麟溪集十二卷別編二卷

太和字順卿浦江人世稱義門鄭氏

葉翼餘姚海隄集一卷

翼寧波人始末未詳

臣等謹案翼祖恒字敬常元天厯間為餘姚判官
築隄捍海民賴其利至正末詔封仁功侯立廟祠
之當時名人多有序紀詩文翼共編為一集

沈易五倫詩五卷

易字翼之華亭人

臣等謹案是集前有錢惟善序其原目稱內集五

卷外集七卷今外集缺

孔克學江陵百詠詩一卷

克學字習之曲阜人嘗為荊州府學官

朱升風林類選小詩一卷

升見經類

臣等謹案是集所錄始于漢魏終于晚唐分三十
八體皆五言絕句也

劉仔肩雅頌正音五卷

仔肩字汝弼鄱陽人

高棟唐詩品彙九十卷拾遺十卷

棟見詩集類

廣州四先生詩四卷

不著編輯者名氏

臣等謹案是集乃明初廣州黃哲李德王佐趙介
四人詩也哲字庸之以薦授翰林待制歷官東平
通判有雪蓬集德字仲修官義寧知縣有易菴集
佐字彥舉本河東人元末侍父官南雄遂占籍南
海洪武中以薦授給事中有聽雨軒瀛洲二集介
字伯貞不求仕進洪武中屢薦皆辭免後以其子
純官監察御史贈如其官有臨清集

周希孟周希夔姑蘇雜詠二卷

希孟希夢里貫俱無考

臣等謹案是集乃希孟希夢同編上卷為高啟原
唱下卷為其祖南老續作南老字正道號拙逸子
明初人

文章類選四十卷

不著編輯者名氏

臣等謹案是集前有洪武三十一年凝真子序并
慶府圖章以史攷之蓋慶王橈也太祖第十六子

好學有文就藩寧夏序稱暇日與諸儒將昔人所
集文選文粹文鑑翰墨全書事文類聚諸書所載
之文類而選之分五十八體

錢氏三華集十八卷

不著編輯者名氏

臣等謹案是集為明初無錫錢子正及弟子義姪
仲益合刻詩也子正錄沓軒集六卷子義種菊菴
集四卷仲益錦樹集八卷初各自為書後仲益族

子公善合刻子正子義出處無考仲益以元末進士知華亭縣後為翰林院修撰見于魏驥序中朱彝尊載仲益永樂初以翰林編修轉周王府長史與驥序互有異同

王賓虎邱詩集一卷

賓見別集類

袁表馬燮閩中十子詩三十卷

表字景從燮字用昭皆福州人

臣等謹案閩中十子為福清林鴻長樂陳亮高廷
禮閩縣王恭唐秦鄭定王褒周元永福王偁侯官
黃元皆明初人也

宋緒元詩體要十四卷

緒字公傳以字行餘姚人預修永樂大典授官不就
辭歸

鄒緝等燕山八景圖詩一卷

緝吉水人永樂中官左春坊左中允

臣等謹案是編乃緝等唱和之作凡詩百二十首
皆緝首唱胡廣等十二人和之

吳訥文章辨體五十卷外集五卷

訥見史類

懷悅士林詩選一卷

悅字用和嘉興人永樂中以納粟官通判

瞿暹興觀集一卷附三村遺詩雜著一卷

暹錢塘人仕履無考

金瓶橋門聽雨詩一卷

庠蘇州人永樂進士官監察御史

朱紹朱積鼓吹續編九卷

紹字善繼積字善慶皆江陰人

臣等謹案是編蓋續唐詩鼓吹而作皆宋元明人

七言律詩

杜桓柳黃同聲集二卷

桓字宗表徽州人仕履無考

周泰周氏存存稿十卷周案續稿三卷

泰案里貫始末俱無考

臣等謹案泰案所編皆其先世遺集

滄海遺珠四卷

不著編輯者名氏

臣等謹案是集前有正統元年楊士奇序稱都督
沐公所選又稱其字曰景顥黔寧王之仲子考明
史沐英次子晟字景茂序蓋誤稱所錄凡二十人

之作皆明初流寓遷謫于雲南者以其為劉仔肩
王偁諸家詩選所不及故名曰遺珠二十人皆無
專集今實賴此以傳

徐塤雙桂集六卷

塤無錫人始末未詳

臣等謹案塤是集蓋錄其祖環父允之詩環字伯
樞洪武中官臨桂縣丞著有臨桂集允字邦孝著
有水南集

張鳳翼文選纂註十二卷

鳳翼見子類

林兆珂選詩約註十二卷

兆珂見經類

劉昌中州名賢文表三十卷

昌字欽謨吳縣人正統進士官至廣東叅政

臣等謹案是編所錄凡許衡姚燧馬祖常許有壬

富珠理冲

原作亭
米魯翀

六人之集姚燧集本五十卷富

珠理冲集本六十餘卷俱佚不傳賴此僅存

黃溥詩學權輿二十二卷

溥字澄濟自號石崖居士弋陽人正統進士官至廣
東按察使

臣等謹案明有兩黃溥其一鄞縣人有簡籍遺聞
已著錄其一即此黃溥也

胡纘宗雍音四卷

纘宗見史類

王恕石鐘山志八卷

恕字尚忠湖口人景泰進士官至廣東布政司叅議
臣等謹案湖口有上下石鐘山即蘓軾所記者恕
以其為邑名勝因輯古今題咏賦傳記跋等文都
為一編雖以志名實總集也又其時有兩王恕其
一三原人其一即此王恕也

沈周等江南春詞一卷

周見子類

臣等謹案周等追和元倪瓚作自周以下共五十
三人

金德珪蘇大新安文粹十五卷

德珪字仁本大字景元皆休寧人

李東陽聯句錄五卷

東陽見子類

臣等謹案此集乃東陽官翰林時與同年進士及
士大夫聯句之作凡六十有九人

康麟雅音會編十二卷

麟字文瑞廣東順德人天順中官福建按察使僉事
鄭宣古栝遺芳四卷

宣里貫未詳

臣等謹案是編所錄皆處州之文止于英宗天順
則宣乃天順以後之人也

程敏政明文衡九十八卷 新安文獻志一百卷 詠
史集解七卷 唐氏三先生集二十八卷附錄三卷

敏政見史類

臣等謹案明文衡皆明初人之文蒐採頗富新安文獻志錄南北朝以後文章事蹟之有關於徽郡者彙為一編詠史集解輯古人詠史之作僅七言絕句一體唐氏三先生集即唐元筠桂芳文鳳三人詩敏政為之合編綴以傳記銘誌為附錄

楊守阯浙元三會錄

無卷數

守阯見別集類

王鏊春秋詞命三卷

鏊見史類

毛紀聯句私抄四卷

紀見史類

盧濬古黃遺蹟集一卷

濬天台人成化進士官黃州知府

李伯璵馮原文翰類選大成一百六十三卷

伯璵上海人官淮王府長史原慈谿人官淮王府紀

善

羣公小簡六卷

不著編輯者名氏

戴豪戴顥二戴小簡二卷

豪字師文太平人成化進士官至廣東布政司叅政

顥字師觀豪之弟正德進士官兵科給事中

蔡鍊太白樓集十卷

鍊字懋成餘姚人弘治進士官工部主事

趙諫東甄詩集七卷補遺一卷續集八卷

諫字士忠溫州人

趙鶴金華正學編十二卷金華文統十三卷

鶴字叔明江都人弘治進士官至山東提學副使

吳宗周來蘓吳氏原泉詩集八卷

宗周字子旦號石岡宣城人弘治進士官臨江府知

府

賀泰唐文鑑二十一卷

秦字志同吳縣人弘治進士官監察御史巡按福建

胥文相洞庭君山集三卷

文相巴陵人弘治進士官至柳州府知府

劉節廣文選六十卷

節見經類

崔銑文苑春秋四卷

銑見經類

陸之箕之裘二陸集三卷

之箕字肖孫一字汝瞻別號復泉弘治中貢生之裘
宇象孫官景寧縣教諭俱太倉人

方豪蓉溪書屋集四卷陳第續集五卷

豪見史類第見經類

臣等謹案蓉溪書屋為縣州金爵別業水通涪江
擅林壑之勝劉春喬宇等首為賦咏和者甚多因
裒集成編

楊慎金石古文十四卷 古雋八卷 風雅逸篇十卷

翰苑瓊琚八卷 三蘇文範十八卷

慎見經類

戚雄婺賢文軌四卷拾遺一卷

雄字士英金華人正德進士官至監察御史

黃魯曾南華合璧集五卷

魯曾字得之吳縣人正德時舉人

王諤明珠玉八卷

諤字秉忠江陰人仕履無考

蕭鳴鳳海釣遺風集四卷

鳴鳳字子雖山陰人正德進士官至廣東提學副使

黃佐六藝流別二十卷

佐見經類

劉濂九代樂章二十三卷

濂見經類

郭鈇石洞遺芳二卷

鈇金華人

董遵滕王閣集十卷

遵里貫無考

邱吉吳興絕倡集四卷續集二卷

吉字大祐湖州人

唐臯史道皇華集二卷續集一卷

臯官翰林修撰道官兵科給事中里貫未詳

臣等謹案武宗正德十六年臯等奉使朝鮮頒世宗即位詔國王李懌命書局編其唱和之作為此

集

皇華集十三卷

不著編輯者名氏

臣等謹案是集為朝鮮國所刊使臣唱酬之作係
天順元年二年三年四年八年成化十二年弘治
元年五年正德十六年嘉靖十六年詩也

浦南金詩學正宗十六卷

南金見子類

石存禮等海岱會集十二卷

石存禮監田馮裕劉澄甫陳經黃卿劉淵甫楊應奎
八人唱和之詩存禮字敬夫號來山益都人弘治進
士官知府田見別集類裕字伯順號閭山臨朐人正
德進士官至按察副使澄甫字子靜號山泉壽光人
正德進士官至布政使叅議經字伯常號東渚益都
人正德進士官至兵部尚書卿字時庸號海亭益都
人正德進士官至布政使叅政淵甫字子深號范泉

澄甫之弟正德時舉人應奎字文渙號渾谷益都人
官知府

經義模範一卷

不著編輯者名氏

臣等謹案是編所錄乃宋張才叔姚孝寧吳師孟
張孝四人經義共十六篇

唐順之文編六十四卷

順之見史類

馮惟訥詩紀一百五十卷

惟訥字汝言臨朐人嘉靖進士官至江西布政使加
光祿寺卿

宋宏之戴鯨四明風雅四卷

宏之仕履無考鯨字仕霖號南蒼鄞縣人嘉靖進仕
官至福建布政司叅議

張時徹明文範六十六卷

時徹見史類

徐獻忠樂府原十五卷 金石文七卷 六朝聲偶七

卷

獻忠見史類

五十家唐詩

無卷數

不著編輯者名氏

臣等謹案是集自唐太宗玄宗至儲光義凡五十

家

陳克昌麻姑集十二卷

克昌仁和人嘉靖進士官建昌府同知

田汝成蔡汝楠武夷遊詠一卷

汝成見史類汝楠見經類

楊儀驪珠隨錄五卷 古虞文錄二卷 文章叢錄一

卷

儀見子類

黃焯浯溪詩文集二卷

焯自號龍津子爵里無考

陳斗訂補浯溪集二卷

斗字民仰祁陽人官永寧簿

楊名三賢集三卷

名字實卿遂寧人嘉靖進士官翰林院編修

秉忠定議集二卷

不著編輯者名氏

臣等謹案是集乃嘉靖十年巡撫四川宋滄平真
州盜周天星等凡一時凱旋露布等篇都為一集

其名秉忠定議取世廟璽書語也

陳壇名家表選八卷

壇餘姚人嘉靖進士官至廣東提學副使

黎民表清泉精舍小志一卷

民表見別集類

朱澤平吳凱旋錄四卷

澤字東漁定海人

王心栢州文志七卷

心自號後隅子天長人嘉靖進士官郴州同知

溫新溫秀二溫詩集四卷

新字伯明洛陽人嘉靖進士官戶部主事秀字仲實
新之弟由舉人官襄陽府同知

周復俊全蜀藝文志六十四卷 玉峰詩纂六卷

復俊見史類

臣等謹案志中所載如宋羅泌姓氏譜元費著古
器譜今多不傳又李商隱重陽亭銘為文苑英華

及本集所不載是集蒐羅賅備足資考核玉峰詩纂採自西晉迄于明代皆崑山之詩也

俞憲盛明百家詩三百卷

憲字汝成無錫人嘉靖進士官至湖廣按察使

陳鶴越望亭詩集二卷

鶴見別集類

王材黎川文緒四卷

材字子難江西新城人嘉靖進士官至太常寺卿掌

國子監祭酒事

曾佩名筆私抄六卷

佩字元山臨川人嘉靖進士官監察御史

殷綺遊我集一卷

綺里貫無考

潘滋蓬萊觀海亭集十卷

滋婺源人仕履無考

劉祐文章正論十五卷緒論五卷

祐萊州人嘉靖進士官至大同巡撫

徐師曾文體明辨八十四卷

師曾見經類

六李集三十二卷

內鄉李氏二世六人之詩李宗木杏山集八卷李蒙

太史集六卷李蔭比部集九卷李雲鵠侍御集四卷

李雲鴈白羽集二卷李雲鴻秋羽集五卷中惟李蒙

最知名

李時漸三台文獻錄二十三卷

時漸字伯鴻號磐石壽光人嘉靖進士官至按察司

副使

臣等謹案是編乃時漸守台州時採訪一郡往哲

遺文分類甄錄

俞允文崑山雜咏二十八卷 荆溪唱和詩一卷

允文見別集類

西湖八社詩帖

無卷數

不著編輯者名氏

臣等謹案明嘉靖壬戌閩人祝時泰游杭州與其友結詩社于西湖凡會吟者八曰紫陽社曰湖心社曰玉岑社曰飛來社曰月岩社曰南屏社曰紫雲社曰洞霄社時泰與仁和高應冕劉子伯沈仕錢塘方九敘童漢臣徽州王寅分主之此其唱和之作

馮子京桃花源集三卷

子京字南台錢塘人嘉靖進士官至湖廣按察使

劉思溫少林古今錄二卷

思溫渾源人嘉靖中官登封知縣

徐楚李高青溪詩集七卷

楚號清溪淳安人官至四川布政司叅政高字抑中

雲南人官嚴州府通判

臣等謹案青溪在浙之淳安即新安江也是集為

徐楚編李高續輯

萬士和二妙集十二卷

士和見別集類

袁穉泰山菟玉二卷

穉字玉田懷遠人官泰安州知州

勞堪詞海遺珠四卷

堪字道亭德化人嘉靖進士官至副都御史

臣等謹案堪是編採錄金石文字及詩詞雜文不分體不敘時代又多刪節原文殊多紕繆

陳有守汪淮李敏徽郡詩八卷

有守字達甫淮字禹人敏字功甫皆休寧人

鄭履淳衡門集十五卷

履淳見史類

陳暹廣中五先生詩選二卷

暹爵里無考

熊達清江二家詩四卷

達清江人仕履無考

張之象唐詩類苑二百卷 古詩類苑一百二十卷

唐雅二十六卷 彤管新編八卷

之象見史類

臣等謹案唐詩類苑因宋趙孟堅分類唐詩闕佚
不完復為輯錄古詩類苑以馮惟訥詩紀為彙本
凡漢以後箴頌贊採錄增入唐雅皆唐君臣唱酬
之作自唐武德訖于開元以天寶後風格漸卑故
不錄彤管新編以世所傳彤管集篇帙未備更為

輯補自周迄元凡詩歌銘頌辭賦贊誄皆列焉

趙志臯靈洞山房集二卷

志臯見史類

梅淳岳陽紀勝彙編四卷

淳當塗人隆慶進士

李攀龍古今詩刪三十四卷 唐詩選七卷

攀龍見子類

王世貞尺牘清裁六十卷補遺一卷

欽定四庫全書

欽定續文獻通考

卷一百一十七

望

世貞見史類

胡松唐宋元名表四卷

松見史類

文氏五家詩十卷

長洲文氏四世五人之詩文洪字功大成化時舉人
官涑水教諭著括囊稿詩文二卷其孫徵明著甫田
集詩四卷徵明長子彭字壽承官南京國子監博士
著博士詩二卷次子嘉字休承官和州學正著和州

詩集一卷彭之子肇祉字基聖官上林苑錄事亦著
詩一卷

李袞宋藝圃集二十二卷 元藝圃集四卷

袞見子類

凌迪知名公翰藻五十卷

迪知見史類

錢筠錢節吳越錢氏傳芳集二卷

筠字飛卿節字章卿皆紹興人

臣等謹案筠等是集皆錄錢氏一家之詩

王化醇百花鼓吹五卷 梅花鼓吹二卷

化醇字和甫號應峰無錫人嘉靖中監生

沈一貫經世宏辭十五卷

一貫見經類

沈明臣沈一貫余寅吳越游稿一卷

明臣見史類一貫見經類寅見史類

賈三近滑耀編

無卷數

三近字德修嶧縣人隆慶進士官至兵部侍郎

田藝蘅詩女史十四卷拾遺二卷

藝蘅見子類

吳琯唐詩紀一百七十卷

琯漳浦人隆慶進士

顧起綸國雅二十卷續國雅四十卷

起綸見別集類

姚淞市隱園詩文

無卷數

淞江寧人

孫鑛今文選十二卷

鑛見經類

鄒迪光文府滑稽十二卷

迪光見別集類

陳文煥釣臺集六卷

文煥字靜菴臨川人官嚴州府知府

劉一相詩宿二十八卷

一相字惟衡長山人萬厯進士官至陝西布政使

郭惟賢三忠集十四卷

惟賢晉江人萬厯進士官至戶部右侍郎

臣等謹案是編乃惟賢巡撫湖廣時所輯自序稱
屈原秭歸人孔明南陽人岳忠武雖起家湯陰而
封鄂王苗裔迄今在武黃間均以楚稱故合為一

編

屠隆翰墨選註十二卷鉅文十二卷

隆見經類

臣等謹案此二書乃坊賈托名之作非隆真本也

臧懋循古詩所五十六卷唐詩所四十七卷

懋循見別集類

郭正域韓文杜律二卷

正域見經類

陳與郊文選章句二十八卷

與郊見經類

鄭思明文選尤十四卷

思明字見吾歸安人

王明整四六叢珠彙選十卷

明整字懋良晉江人萬厯間舉人官寧波府通判

李天麟詞致錄十六卷

天麟大興人萬厯進士官監察御史巡按浙江

周應治廣廣文選二十三卷

應治見子類

臣等謹案是書因嘉靖中劉節編廣文選此又拾節之遺故曰廣廣文選

程文潞順則集八卷

文潞字希古歙縣人

臣等謹案是編輯程氏先世遺詩自後唐程炳迄明程百教凡百有四人

虞淳熙虞淳貞壻簾音二卷

淳熙見經類淳貞字僧孺淳熙之弟

劉兌頻陽四先生集四卷

兌官富平知縣里貫無考

臣等謹案兌是書錄張統李宗樞楊爵孫丕揚四人詩文以其皆富平人也富平古頻陽地故稱頻陽四先生

何喬遠明文徵七十三卷

喬遠見史類

袁黃評註八代文宗八卷

黃見史類

楊東鈞臺集二卷

東建安人官桐廬縣知縣

鄭太原嵩少集四卷

太原潞安人官登封縣知縣

馮從吾古文輯選六卷

從吾見史類

焦竑中原文獻二十四卷

竝見經類

吳達可三忠文選三卷

達可見史類

臣等謹案三忠者嘉靖時諫臣周怡楊爵劉魁也

李日華四六類編十六卷

日華見史類

欽定續文獻通考卷一百九十七